

Visoki predstavnik odao počast žrtvama masakra na Markalama



Visoki predstavnik Christian Schmidt, zajedno sa v.d. premijerke Kantona Sarajevo Darjom Softić-Kadenić, odao je danas počast žrtvama masakra na pijaci Markale iz 1994. godine, te je prisustvovao komemorativnoj sjednici u povodu Dana sjećanja i 29. godišnjice masakra na Markalama.

“29 godina kasnije, Bosna i Hercegovina je drugačije mjesto okrenuto sigurnoj budućnosti u evropskoj porodici. Ali ne smijemo zaboraviti one koji su ubijeni ili ranjeni dok su kupovali osnovne namirnice za svoje porodice. Oni nas podsjećaju da se ovakvi zločini nikada ne smiju ponoviti.

Svi mladi u Bosni i Hercegovini, bez obzira na porijeklo, trebaju, kao svoju zadaću, pobrinuti se da se ovakvi događaji više nikada ne ponove,” rekao je visoki predstavnik.